

¡BOMBA!

En preguntar no hay reparo:
¿quién sustentó el exterminio?
Llama la atención que Alfaro
no sea digno de escrutinio



K'intsil

Jueves 20 de marzo de 2025

CAMPECHE · YUCATÁN · QUINTANA ROO · AÑO 10 · NÚMERO 2441 · www.lajornadamaya.mx

UE tu ts'áaj k'ajóoltbil bix ken u nu'ukt taak'in ti'al u yúuchul kanan tu beel

Afp / 31
Oochel Reuters



Unión Europeae' tu ts'áaj k'ajóoltbil le miércoles máanika', bix táan u tukultik ken u yáant u noj lu'umilo'ob bloque, ikil u ts'áak yéetel le nonoj taak'in ken u ts'áaj ti'al inversión tumen beyo' yaan u mu'uk'ankúunsik bix kun aktáantik ba'ax ku taal, lela' ku yúuchul tu k'iinil "jach k'a'anan" ti'al u kaláanta'al bloque.

Tumen táan u yila'al ma' tu taal u ts'o'okol ba'ateltáambal ichil Rusia yéetel Ucrania, beyxan tumen

ma' xaan ka sa'atak kanan táan u beetik Estados Unidosi', le beetik túulch'inta'ab UE ti'al u patjo'oltal u nu'ukil u péeksa'al taak'in ti'al u kaláanta'al lu'um.

"K'a'anan le súutuka' ti'al u kaláanta'al europail lu'um. Noj ba'al le súutuka' ti'al u péek máak", tu ya'alah máax jo'olbesik u diplomacial UE, Kaja Kallas.

Comisión Europeae', u noj áantaj meyaj UE, ku tukultike' u nu'ukbesajil taak'in táan u

meyajtike' je'el u péeksik kex 800 mil millonesil euros (óoli' kex 875 mil millonesil dólares) ti'al u bo'ota'al defensa, ts'o'oke' miiin yaan u ts'a'abal le winal ku yokolo'.

Ichil u nu'uktajil meyaje' táakbesa'an ka béeyak u k'as péeksa'al ba'axo'ob jach jeets'a'an ti'al u k'a'abéetkunsal taak'in tumen UE, tumen beyo', noj lu'umo'obe' yaan u béeytal u xupiko'ob maanal ti' le beyka'aj jets'a'an u ti'alo'ob.

Ichil le ba'ax k'aaba'inta'an beey Libro Blanco, UE tu k'ataaj ti' u noj lu'umilo'ob bloquee' ka yanak u káajsik u chiimpolto'ob nu'ukbesaj tu winalil abril.

Beyxan uláak' ba'ax jets'a'ane', letie' u yantal u éejenta'al "beey jump'éel xchukul k'a'anan ba'ale" jump'éel meyaj ti'al u ts'a'abal páaybil ti' noj lu'umo'ob táakano'ob UE tak 150 mil millonesil euros táakmuk'taan tumen taak'in ku meyaj ti' UE.